

欽定剿平粵匪方略

欽定勦平粵匪方略卷二十六 癸丑年

正月二十五日 庚午 漕運總督楊殿邦奏言逆匪

東竄以後下游喫重且鎮江瓜州爲大江南北  
咽喉重地其儀徵口之老虎涇地方係江甯瓜  
州適中要隘並通揚州內河必須派兵扼守惟  
臣標七營額兵三千餘名前經調赴江西江甯  
兩省派防兵一千二百餘名其餘除設防各汛

地及留城保衛外僅堪酌調兵五百五十名兵力甚單不敷派撥現又酌調徐州鎮標兵二百四十名分赴瓜州老虎涇一帶擇要派防一面飛飭兩淮運司常鎮道揚州鎮江二府團練壯勇雇募船隻水摸置造火器修建礮臺購備柴薪布置江口爲有備無患之計並於江西多設划船作爲游兵上下往來偵探嚴密防守期與

聞

江甯省城聲勢聯絡互爲應援其廣艇是否可用現已飛咨撫臣楊文定會商酌辦奏入報

同日楊文定奏言臣奉

諭暫駐江甯就近調遣計抵省一月有餘所有省城內外以及上游之蕪湖東西梁山防堵各事宜次第布置均有頭緒惟鎮江爲入蘇門戶屢飭府

道營縣趕緊籌辦而辦理究未妥善並據浙江  
督糧道周起濱稟稱漕船在無錫地方有水手  
聚集千人勒索身工等情現在設法辦理今督  
臣陸建瀛退回省城更有將軍都統提督足資  
防守而京口重地甚屬可虞漕臣楊殿邦奉

旨駐紮瓜州一江橫隔兼顧爲難且現在尙無到揚消  
息臣自應移紮鎮江面商都統親督道府趕緊

布置爲保守蘇常門戶之計仍請

旨容臣就近調遣儻賊氛稍緩卽乘隙先往彈壓水手並籌募充壯勇以期有用而免滋事奏入

上諭曰汝旣出省有事可單銜具奏籌辦稍有頭緒自應仍回省垣爲是朕見到及此汝可斟酌汝與陸建瀛難期和衷第所辦一事斷難分別朕日夜焦思汝旣爲大吏猶不知耶朕知祁宿藻事事盡心斷非自

集賢堂 卷二十一  
三  
顧身家者該員能否出省汝可酌量

同日呂賢基奏言 臣奉

命馳往安徽會同蔣文慶周天爵商辦防勦事宜例應  
隨帶數員共襄厥事 臣查有翰林院編修李鴻  
章刑部員外郎孫家泰皆籍隸安徽情形熟悉  
刑部候補主事朱麟祺五品銜武生張瑞慶平  
日俱留心武事應請

旨飭令此四員隨臣前往再在籍前任東河通判徐啟  
山才識素優應請

旨飭令隨臣幫辦一切事宜再現屆安徽省堵剿喫緊  
之時賊船過境利用火攻聞火器營所存火箭  
甚多伏乞

飭撥二千枝派該營官兵解赴安徽軍營交蔣文慶周  
天爵等收存以備要需再臣所過直隸山東江



蘇一帶地方如訪有諳練軍務及技勇過人之  
士可否准臣移咨各該督撫飭屬備文咨遣委  
用奏入

上從之

二十六日辛未文藝奏言臣前因京口城垣殘缺

卽令地方官修葺未據呈報興修去年逆匪竄  
擾楚北經臣在八旗甲兵閒散內挑選精壯一

千三百名每日操演餘兵分派巡邏查京口城垣周圍垛口一千六百餘座擬卽督飭挑選兵丁與綠營存城兵三百餘名幫同守護兵力已形單薄其城外水陸各要隘因無兵防守曾飭水師副將酌調兵五百名鎮江營參將在臣汎抽調兵三百名又督臣陸建瀛等調徐州等營兵五百名現均未到清臣楊殿邦奉

旨督兵在於瓜州京口江面防堵至今未到該匪攻城  
慣用地雷臣隨飭地方官趕緊於城外挖濠迄  
未挑挖今聞上游喫緊臣思京口城缺兵單難  
資守禦實深焦灼奏入

上命軍機大臣傳諭陸建瀛楊文定文藝曰據文藝奏  
稱先後令地方官修城挖濠均未辦理該城文武不  
和覽奏實不可解當此軍務喫緊之時正宜協力同

心共圖捍衛似此意見齟齬必致貽誤現在楊文定  
移紮鎮江著卽會同文藝嚴飭該處文武無分畛域  
迅速籌防儘有疏虞旗營與地方官均難辭罪上海  
船隻曾否由吳健彰雇募備用現在陸路兵單水路  
又無援應浙江提督葉紹春溫州鎮總兵陳世忠所  
轄水師是否尙堪就近調用著陸建瀛楊文定酌量  
情形如能得力卽令由海入江一面飛調一面具奏

至瓜州江口楊殿邦以兵力不敷奏稱擬雇募划船  
水摸團練壯勇以資抵禦京口亦當豫爲計及豈可  
但以兵單難守爲詞一籌莫展耶

同日

上命軍機大臣傳諭琦善訥爾經額陳金綬陸應穀曰  
現在琦善陳金綬帶兵赴皖前調吉林黑龍江馬隊  
於安徽陸路亦屬相宜儘俟行抵信陽再令折赴安

徽不特遷延時日卽供支亦多冗費著請爾經額陸  
應穀查明此項官兵應由何處改道赴皖卽知照琦  
善陳金綬飛飭各地方官迅卽籌備毋稍遲誤並著  
琦善陳金綬催令該官兵迅速馳赴皖省其前次帶  
往之火藥火箭著琦善分撥解交陳金綬軍營以便  
先期進剿應用

二十七日

壬申

張芾奏言

臣

於正月十六日抵省

聞賊船有竄入湖口擾及姑塘之說省城人心  
驚惶紛紛遷徙旋探得賊船現已東下收復九  
江府城人心略定臣等不敢因賊蹤稍遠輒行  
懈弛提臣向榮督兵追賊需用船隻甚多江省  
船隻不能遠涉江湖惟川廣貨船可以載兵乃  
自十月以來九江蕪湖二關風鶴頻警舟楫不  
通到者甚少現在極力搜羅僅得六十餘隻不

敷駕駛再四思維祇有用糧船一法已飭令到  
省之船赴姑塘聽用未到之船亦卽截留銀餉  
軍火等件亦飭臬司惲光宸等妥爲應付並委  
前任運司彭玉雯前往照料九江居民亦令該  
司督同已革九江府知府劉熾昌等善爲安撫  
奏入報



同日陸建瀛奏言臣到省後據隨員卽選知府  
德林稟稱十六日由東流縣開船行至五里塔  
下見賊船擁重前來該守督率兵勇奮力齊上  
擊碎賊船三隻奪獲大礮六尊火藥四桶雖未  
大挫賊鋒亦足稍寒其膽臣查蕪湖上游八十  
里荻港地方僅派兵一千餘名攻剿實難得力  
當與福山鎮陳勝元安徽道惠徵再四商酌不

如撤赴蕪湖下之東西梁山將各路精兵分屯  
紮營多備火器上可以接應蕪湖下可以堵截  
江甯來路惟兵力不厚請調之直隸山東各兵  
亦無到信逆情緊急難再遲延祇有額懇

天恩迅飭向榮統帶重兵直赴江甯一路追勦使賊不  
敢東下並可與東西梁山水陸夾擊庶不至坐  
失機宜

同日江甯將軍祥厚江南提督福珠洪阿江甯  
副都統霍隆武江甯布政使祁宿藻奏言江南  
民情浮動遇事風生旣當嚴密設防必須處以  
鎮靜兩月以來修補城垣製備防守一切器具  
地方尙稱靜謐詎督臣陸建瀛因總兵恩長失  
利卽迴舟東下藉口江甯喫緊趕回布置沿途  
險要並不屯紮更將駛上師船一概撤回專守

水路之東西梁山而蕪湖陸路爲入江蘇之門  
戶亦均撤防於十八日夜半隻身抵省遂致閭  
城紳民驚擾紛紛遷徙經臣等函囑督臣陸建  
瀛趕統舟師仍赴上游迎擊乃督臣晏坐衙齋  
三日並無回信加之撫臣楊文定執意移紮鎮  
江擅出省城臣等勸阻挽留仍不顧而去民情  
加倍驚惶遷徙更多省城震動雖有駐紮旗兵

奮勇爭先無如兵力太單賊船順流下竄朝發  
夕至守禦萬分緊迫惟有請

飭向榮琦善陳金綬迅速統兵繞出賊前徑抵江甯協  
力堵剿以固省城根本均奏入

上命軍機大臣傳諭祥厚福珠洪阿霍隆武楊文定曰  
昨有旨令向榮馳赴江甯會籌防剿計日可到琦善  
陳金綬先後自信陽起程如山霍山六安取道不惟

可爲皖省救援亦可爲江甯接應惟師克在和近來  
統兵大員意見稍有齟齬公事卽任聽貽誤似此惡  
習相沿尙望其勦賊立功耶祥厚現署兩江總督責  
無旁貸應如何擇要布置督兵固守著會同福珠洪  
阿霍隆武督同鄒鳴鶴祁宿藻悉心籌畫金陵重地  
關係非輕儻稍有疏虞恐難當此重咎鄒鳴鶴辦事  
尙屬幹練祥厚等與之籌辦一切必能盡心竭力不

負朕望楊文定旣已出守鎮江該處安危卽其專責  
若鎮江有警該撫再藉詞退守亦何面目對江東兵  
民乎此時祥厚等惟有和衷共濟力圖守禦東西梁  
山旣有防兵必當盡力堵截一俟向榮兵到合力攻  
勦庶可大挫賊鋒斷不可再存意見致誤事機知府  
德林在東流縣五里塔下督率官兵擊碎匪船奪獲  
礮械著祥厚查明具奏

上又命軍機大臣傳諭向榮曰江甯急望援兵著向榮  
迅卽兼程趕赴與祥厚等和衷商辦所有陸建瀛撤  
回之師船火礮及所調撥各水勇並著向榮沿途妥  
爲布置如蕪湖板子磯荻港及東西梁山等處各要  
隘如何扼守不令賊艘直達金陵該大臣卽相機辦  
理萬不可稍有疏虞需用糧米及庫項卽由該大臣  
知會祥厚等無論地方何款均准酌量動用並著飛



催陳金綬迅速馳赴安徽截擊遏賊下竄

上諭內閣曰陸建瀛經朕特授爲欽差大臣令其馳赴九江上游防堵乃遲之又久方抵九江未及調度周妥而賊艘已至一戰兵潰不知收合餘燼與向榮大軍合力夾擊並不知力守小孤山扼賊入皖之路又不親督官兵據守東西梁山爲金陵保障遽行折回江甯以致省城驚擾紛紛遷徙經祥厚等函囑仍赴

上游迎擊乃安坐督署三日並無回信當此危急之時同城文武竟不能面商防剿事宜巡撫楊文定遂藉詞防守鎮江卽行出省民情更增惶惑封疆大吏遇事張皇失措退縮自全均屬罪無可逭陸建瀛辜恩昧良厥罪尤重著卽拏問解交刑部治罪所有欽差關防著祥厚祇領並著兼署兩江總督楊文定著革職暫行留任卽責成與文藝在鎮江竭力防守並

著與楊殿邦隔江聲勢聯絡於瓜州京口各港汊嚴密設防斷不准折回蘇州及無錫地方以致江口要隘稍有疏虞向榮大軍瞬卽東下陳金綬統帶勁旅亦卽可繞出安徽祥厚膺茲重任著卽率同在城文武紳民戮力同心嚴密防守並與向榮等內外夾擊務期力挫賊鋒以定人心而固疆圉

同日兵部侍郎銜前漕運總督周天爵奏言賊

踞長江窺我財賦之地其奸細徧地皆有琦善  
出示曉諭凡有荆楚人口音不對者概行禁止  
渡黃不遵者搜出奸細憑據許百姓擅殺由是  
奸匪無敢從河南過者李德又奏請嚴防黃河  
渡口以杜逆匪北竄可否

降旨卽著李德帶兵移紮曹州迤南劉家口等處豫爲  
防備臣思皖省之北廬鳳潁亳自古爲江南屏

蔽而正陽關尤爲廬鳳必爭之地又壽州財賦之鄉居淮河之中路爲全淮咽喉此時人心震動所有江北不法之徒易於從賊臣已函致撫臣蔣文慶帶兵北駐廬州近聞賊匪另股竄至汝甯信陽一帶已踞淮河上游臣當急赴正陽關以作豫備團練鄉勇一節應請

旨通飭山江皖豫四省連疆地方一體遵照宿遷團練

章程保護黃河境界以固屏藩而衛畿輔再查  
亳州永城交界地方各股捻匪臣已陸續招徠  
張鳳山等一千二百餘名該匪多犯劫殺重案  
當此防剿喫緊之時相應請

旨加恩寬其既往准臣帶赴前路該匪等情願效力贖  
罪不獨殺賊立功並免內地滋事臣一面起行  
沿途再爲招募先行酌調文武員弁分別帶勇

速赴正陽關以資差遣奏入

上命軍機大臣傳諭周天爵曰覽奏統籌全局不爲無見周天爵現已馳赴正陽關所有一切應行豫備之事既能胸有成算著卽酌量情形扼要防守所稱廣招鄉勇赦其重罪一節現當軍務喫緊果有犯罪之人誠心改悔樂於效命亦不妨破格收用以冀得其死力惟究係權宜之計人數不可太多該侍郎旣已

開誠布公自必能操縱得宜不滋流弊至所奏聞另  
股賊匪竄至汝甯信陽一帶琦善陸應穀等從未奏  
及恐係浮言搖惑著卽查明迅速奏聞

上又命軍機大臣傳諭楊以增福濟李德陸應穀曰賊  
匪東竄已過九江難保無奸細渡河窺探朕聞琦善  
在豫查辦實爲嚴密著楊以增福濟李德陸應穀分  
飭所屬各於黃河渡口實力盤查儻有奸細潛蹤卽



嚴行懲辦遇有緊急卽將船隻收至北岸使無船可掠自難偷渡扼守黃河北省安危所繫楊以增等若稍分畛域朕必卽以軍法嚴辦

諭內閣曰周天爵在宿州附近地方招募壯勇張鳳山等一千二百餘名帶赴正陽防剿其中有身犯罪名者旣知感悟力圖報效亦何不可赦其旣往予以自新著卽照所請將張鳳山等免罪收錄以備驅策

如能殺賊立功仍准酌量保奏此係朝廷破格施恩  
化莠爲良至意該侍郎其慎加選擇無負委任至宿  
遷團練章程著卽先行知照附近地方官倣照籌辦

二十九日

甲戌

陸應穀奏言查琦善陳金綬已於

正月十九日由湖北一路前赴安徽計程數日  
可抵皖省儘令折回霍邱取道六安轉覺迂遠  
至豫省防剿官兵經臣先奏調山西兵三千名

山東兵一千名續經琦善奏調直隸兵六千名  
陝甘兵六千名吉林黑龍江馬隊各二千名西  
安駐防兵遵

旨調赴荊州後添調青州駐防兵一千名補數惟陝西  
以防堵緊要扣留一千一百八十名實調兵一  
萬八千八百餘名現據琦善來咨自行統帶八  
千名陳金綬統帶四千名留豫之兵南陽屬直

隸陝西青州兵共二千名光州屬山西兵一千三百餘名信陽一帶山東兵一千名山西兵一千六百餘名共防兵五千九百餘名此時南陽雖覺安靜而襄陽土匪根株未絕留兵二千尙恐不足彈壓儻一經調撥難保土匪不乘機竊發光州所屬有與安徽六安州接壤之處亦應防賊匪回竄信陽有糧臺總局護送糧餉軍裝

往來均須兵力實無可以抽撥惟皖省緊急臣  
於萬無可撥之中先就信陽抽撥山東兵一千  
名令其馳赴軍營俟臣到南陽查看如果土匪  
肅清卽再撥青州兵一千名趕赴皖省以資調  
遣至吉林兵已半至信陽半入豫境自應由信  
陽前進跟追琦善大營庶免歧誤黑龍江兵二  
千名如尙未出京則由山東徑赴皖省甚爲捷

便且可備江南之用僞已起程來豫白當由歸  
陳一路赴皖其琦善陳金綬糧臺前經委署藩  
司鄭敦謹總司其事茲據琦善咨會又派開封  
府知府瑛桂陝州直隸州知州邱文藻馳往幫  
辦其餘委員隨時加派務期源源接濟不誤軍  
行奏入報

陸應穀又奏言現據探報賊匪大股已至小孤山距安慶甚近勢頗危急安慶城小濱江防守更難惟望向榮大兵追及可資兜剿賊匪旣至安慶勢必順流而下直犯江甯江甯城垣空闊非厚積兵力不可淮揚兩府爲江北咽喉亦應豫爲設防臣擬請

皇上速派山東精兵馳赴瓜州口以爲聲援並請酌派

浙江精兵馳赴江甯以資厚集至近來各處援兵往往跟蹤追勦是以未能迅速滅賊卽今琦善陳金綬向榮後追之兵甚多迎擊之兵太少可否

飭令陳金綬統帶大兵繞出蕪湖扼守一可助安慶防勦之勢一可截賊匪東下之路似較得力

同日周天爵奏言臣行抵宿州據鳳陽府知府



楊福祺稟報十七日安徽省城失守臣當卽飛飭前路廬鳳潁滁等府州縣速行招募防堵迅咨琦善帶兵遮護全淮並咨陸建瀛竭力守禦江省臣查賊自竄入長江連破楚皖兩省城如入無人之境儻任其狻獬東下必至清江徐州北竄乃提臣向榮不由江北直趨安慶遏賊於前而反統兵數萬迂道江南以致重兵處處落

後事已如此大兵北來亦恐緩不濟急惟一面  
出示黃河南北廣爲團練招募以資捍衛臣尤  
慮豐工堵築土夫雜入災民梟捻聚集數十萬  
設一旦伺釁而動則山江皖豫四省强悍之徒  
勢將裹脅而起所以招募團練者卽所以收拾  
人心也臣竊再爲全局計武昌以下所有北調  
防兵賊到均皆潰散以致黃河兩岸守兵爲之

一空而山東直隸兩省戰兵均已徵調數千不能再撥亟應請

旨特簡親信重臣統帶大兵檄臣琦善迅卽克復安慶  
保守江淮以固河北並牽制逆船不能東犯江  
省更請

飭下山東江南安徽河南四省速行團練招募嚴防黃  
河上下要隘以杜逆匪北竄之路

周天爵又奏言據鳳陽府知府楊福祺稟稱接到舒城縣稟報省城於十七日失守現在尙有解省餉銀三十餘萬兩在定遠未發現以招集散兵截留此項爲急務臣竊意賊破安省定必北竄搶掠當卽飛飭該處道府速解宿州發交徐州道庫以備收集散兵之用臣先詣固鎮紮營卽親赴壽州六穎亳一帶勸捐然後重兵進

偏不敢孟浪輕戰惟查皖省祇有壽春一鎮前  
經粵楚用兵徵調已空續又調赴省城防守現  
在鎮臣恩長業已陣亡餘兵潰散皖江以北一  
千餘里竟無一兵一將臣所帶勇僅止一千二  
百餘名以此進剿數萬強賊斷難制勝現在陸  
建瀛退守江省向榮按兵江南琦善奉

旨會同陳金綬帶兵進剿至今尙未到皖應請

飭琦善就近先帶大兵速來會剿否則皖省江北各郡縣無可收拾卽河北亦必不能保矣均奏入

上命軍機大臣傳諭周天爵曰逆匪水陸紛竄九江安慶相繼失守如入無人之境實堪髮指周天爵已署巡撫江北一面責無旁貸著卽擇要布置並收集散兵招募義勇以壯聲援琦善陳金綬均於十九日統帶大兵起程赴皖該撫卽與會商進剿之策金陵一

帶兵單已令向榮直赴援應該署撫如聞江甯告警  
仍應分兵赴援與向榮併力夾擊安慶糧餉軍裝是  
否運往廬州其解省餉銀三十萬是否已解回徐州  
萬不可稍有疏失安慶省城旣陷則小孤山必已失  
事巡撫藩臬以下各員下落著一併查明迅奏所有  
團練事宜仍遵旨認真辦理

上又命軍機大臣傳諭向榮祥厚楊殿邦楊文定文藝

曰向榮抵九江後數日未見奏報朕心實深焦盼現  
在安慶失守江甯防剿尤爲喫緊琦善陳金綬計可  
到皖向榮著迅赴金陵沿途察看何處緊要卽行扼  
險截擊儻江甯鎮江已被賊擾向榮卽督兵赴援萬  
勿遲誤陸建瀛已有旨拏問楊文定革職留任仍飭  
令在鎮江防守省垣城大兵單向榮務與祥厚等扼  
要固守不可稍有疏虞至鎮江瓜州兩口爲南北咽喉



喉楊殿邦楊文定文藝等尤當竭力嚴防勿令居民  
驚擾該處兵單已有旨令琦善酌撥精兵赴淮揚一  
帶交楊殿邦調遣著卽飛調以資援應襄陽荊州調  
撥各省官兵現在可以移調軍營者著向榮揀選精  
銳酌量調用

上又命軍機大臣傳諭琦善陳金綬曰本日據周天爵  
奏安慶省城失守覽奏憤懣之至琦善等如能及早

應援何至江北失事卽信陽兵未到之先令陳金綬酌帶官兵馳往亦何至緩不濟急若必待事事齊備按轡徐行亦安用汝等爲耶著琦善陳金綬趕緊督兵與周天爵扼要攻勦儻任賊匪再有蔓延朕惟統兵大臣是問逆匪竄入安慶勢必順流而下直逼江甯該處城大兵單勢甚危急且鎮江瓜州江口爲南北咽喉設有疏虞江北一帶藩籬亦難自固琦善陳

金綬統帶精兵萬餘所調吉林黑龍江馬隊不日亦可到齊大軍雲集江北前在黃陂駐紮之陝西兵一千七百餘名總兵吉順想亦管帶赴皖兵力不爲不厚如賊陷安慶後知我北路有備江南空虛勢必急圍金陵圖占江口朕所以命向榮徑赴江甯援應正爲統籌全局不徒以保守江淮了事琦善陳金綬察看情形必須分兵渡江應援斷不可坐視不救至瓜

州江口乃北路最要門戶亦應於所帶官兵內酌撥  
防守交楊殿邦調遣與安慶互爲聲援賊勢狃固  
應慎重相機以鼓衆軍銳氣亦不得以有用之兵置  
之無用之地若能調度得宜痛加勦洗大挫兇鋒庶  
可轉危爲安保全大局切勿堅執己見貽誤事機

上諭內閣曰蔣文慶於本月十七日尙在安慶發報奏  
事茲據周天爵奏稱據鳳陽府及舒城縣稟報安慶

省城卽於十七日失守省城重地何以一日之間遽被賊匪攻陷是否該撫蔣文慶及藩司以下文武各員先期退避抑帶兵守城力竭殉難著周天爵迅速查明分晰馳奏安徽巡撫卽著周天爵署理現在賊勢紛竄南北靡定向榮琦善陳金綬著遵照疊次諭旨與周天爵擇要攻勦琦善等赴援已遲若再坐擁重兵遷延觀望朕亦惟有執法從事決不寬宥

上又諭內閣曰前有旨令內閣學士許乃釗馳赴陸建  
瀛軍營聽候差委現在江甯防剿緊要許乃釗著卽  
迅赴江南幫同該督撫辦理防剿事宜

三十日 乙亥 琦善奏言 臣奉

旨星馳進剿何敢藉詞耽延實緣豫省州縣積疲自鄭  
州以南節節無車兵丁猶可步行而鑼鍋帳房  
鉛丸火藥火繩勢不能悉行背負蒙

恩賞發火藥二萬斤火箭二千枝亦因無騾馱載僅帶  
火藥二千二百斤火箭四百零八枝其餘仍存  
信陽糧臺他如管帶吉林頭起官兵之都統德  
蒙額迄今未到聞亦等候馱騾且工部頒發火  
藥鉛丸火繩亦堆積信陽無騾馱載其自信陽  
以南不通車道早經臣行令多雇馱騾據省中  
司道稟稱已派各屬共雇六千頭而解到者僅

止四百六十餘頭不及十分之一募夫扛運又  
恐用人過多必致洩漏軍情現在提臣陳金綬  
已帶兵馳往安徽應援在後之提屬八溝營兵  
二百名亦經趕到臣飭迅速趕迎直隸提標兵  
二千名均歸陳金綬統帶庶兵將相習冀其得  
力通計陳金綬共帶兵四千名火藥則以騾頭  
不敷馱載每名僅佩帶三百出其餘皆寄存應



山縣隨後運送臣亦於二十六日拔營前進僅帶兵一千八百餘名除守護營盤外計打仗兵尙不足一千名鉛彈火藥等件亦須隨後運送其餘仍在信陽守候驛頭恐大名鎮兵一千名行抵信陽亦尙須守候攻剿無具臣實萬分焦急已飛咨河南撫臣暨催軍需總局信陽糧臺各司道將後起官兵及鉛彈火藥等項要需加

緊提催前進仍隨時源源護送接濟奏入

上諭曰迅速前往猶堪補救募夫多不可靠須用騾馱載騾夫豈盡屬可靠耶再德蒙額現已馳到以後續到者凡御前乾清門侍衛接仗時何人出力何人退縮隨時具奏好者不必候旨卽行保奏庶可鼓勵懦者從嚴叅辦朕知汝不若賽尙阿之事事從寬也

上命軍機大臣傳諭琦善陸應穀曰前經疊降嚴旨令

琦善馳往安徽援救乃自正月二十一日在湖北應山東旺鎮奏事至二十五日尙在該處等候馱騾昨已據周天爵奏報安慶失守轉瞬賊艘東駛江甯省城危在旦夕該大臣坐擁重兵逍遙楚豫之間必俟馱騾到齊豈不貽誤且騾頭不足勢不能不配用夫扛所有帶兵大小官員本當沿途隨時稽察亦何至募夫過多卽虞洩漏況馱騾六千頭卽須騾夫數千

人此數千人豈盡屬可靠耶河南非產騾之地卽向  
民間雇用亦豈能驟得六千頭之多春時工作方興  
田間需騾孔亟若抑勒供應勢必合省滋擾又豈用  
兵衛民之意乎該大臣明知其故而責以萬不能行  
之事以爲他日貽誤藉口地步是何居心朕因琦善  
久任封疆才具優長故畀以重任若不知感恩圖報  
巧爲趨避是真無天良矣著卽將解到騾頭先行裝

載一切迅速兼程前進其餘配用夫扛一同前往所有募夫及騾夫沿途行走卽飭令帶兵官隨時隨地嚴行查察並著陸應穀檄飭該司道仍行嚴催續到騾頭與續雇人夫將所存信陽糧臺之火藥火箭等項飛速解赴陳金綬軍營以應急需毋再遲誤

上又命軍機大臣傳諭陳金綬曰前經疊降諭旨令陳金綬催督官兵迅赴安徽並令其將軍情專摺具奏

昨據周天爵馳報安慶失守復諭令琦善等迅速赴援總以保衛江淮爲要乃據琦善奏稱大軍仍在應山因騾馱未齊不能前進而該提督自十九日信陽起程後旬日以來未見奏報究竟行抵何處大江南北望援甚急若專俟騾馱備齊再行前進豈不貽誤事機已諭令琦善陸應穀無論騾頭夫扛但使軍裝運送有資卽當趕緊催令前進現在黑龍江官兵已

由涿州大道徑赴安徽吉林官兵亦經諭令陸應穀酌量改道前進著陳金綬與勝保遵照前旨兼程前赴皖省何處緊急卽行扼要攻剿琦善所帶火藥火箭尙在大營該提督旣爲前隊豈可無此利器前已諭琦善解往備用著該提督卽行飛調毋再遷延干咎

同日掌山東道監察御史彭慶鍾奏言臣伏念

守土要務首在於固民心聞逆賊在長沙時岳  
州已移徙一空黃州九江一帶俱未見賊先行  
逃竄今安慶金陵各處又皆移徙一空民心不  
固卽遇賢有司效死弗去將誰與守然而百姓  
逃竄嚴禁之則愈加惶惑必有他虞是在地方  
官剴切曉諭使知逃竄無益庶可爲自守之謀  
然必使之實有所恃乃能無恐民志旣立斯民



氣自奮此堅壁清野之法爲今日之急務也

同日翰林院編修何桂珍奏言臣竊觀賊勢去  
住無常不過志在擄掠然三年防剿竟至數省  
蔓延調兵雖多毫無實用將帥以遷延貽誤疆  
吏亦觀望偷安軍法既有所不行帑項又有所  
難濟爲今之計惟有責成疆吏專辦團練尙可  
以安定人心應請

旨分飭各省督撫專心籌辦實力舉行兼派鄉紳會同籌辦妥議章程次第布置庶各省自固藩籬民無所用其遷避賊無所施其擄掠不必老師糜餉可以漸次蕩平則天下幸甚均奏入

諭內閣曰前有旨諭令各直省倣照嘉慶年間堅壁清野之法辦理團練以資保衛復令武英殿刊刻明亮德楞泰築堡禦賊疏龔景瀚堅壁清野議及示諭

三三  
條款頒發通行乘其未至設法自固近來被賊各郡  
縣本境已受其蹂躪毗連各鄰境一聞警急輒紛紛  
思避甚至移徙一空委城於賊糧餉軍裝盡被擄掠  
藉寇兵而齎盜糧深堪痛恨總因地方官素無布置  
未能固結民心遂至臨事蒼黃束手無策因思民間  
守望相助保衛鄉閭不特被賊地方急宜籌辦卽距  
賊較遠亦應思患豫防惟專責守土之員不免胥吏

假手流弊滋多各省公正紳耆既於地方情形熟悉而人望所繫呼應尤靈前已有旨令侍郎呂賢基馳赴皖省辦理團練自必與在籍紳士悉心妥籌其江蘇一省卽著在籍之前任左都御史沈岐閩浙總督季芝昌吏部侍郎侯桐左副都御史程庭桂宗人府府丞溫葆深江西巡撫錢寶琛湖南藩司王藻浙江藩司汪本銓等會同地方官邀集衆紳士酌辦團練

事宜此外各省在籍紳士著在京各部院堂官及翰  
詹科道各舉所知總期通曉事體居心公正素繫人  
望者責成倡辦自必經理得宜輿情允協當此賊氛  
未靖時勢孔艱該紳士等身受厚恩應如何自固里  
閭爲敵愾同仇之計所有勸諭捐資浚濠築寨各事  
總宜就地方情形妥爲布置一切經費不得令官吏  
經手如果辦有成效卽由該督撫隨時奏請獎勵以

副朕爲民除害救靖疆圉之至意